



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Justinus M. 13. Aprilis.

urn:nbn:de:hbz:466:1-44055

Eam maculam etsi nullâ suâ culpâ contractam cùm precibus, jejuniiis, confessione semper elueret, redibat tamen ad invitum illa, & etsi scelus non esset, videbatur tamen esse. Tandem dormientem adfistere ALFERVS visus est, & fonti admotum sanctioribus undis lustrare, jamque contra Stygij ejuscemodi vulnera eximum facere. O similis, inquis, fons mihi curreret! At si oculos habes, binos domi habes.

Altaria Domini non alienum sed divini duntaxat Amoris ignem accipiunt. Quis quis igitur carnalis illecebræ ignibus astuat, & sacris assistere mysteriis niformidat, sicut nunc astuantis luxuria flammam dequitur, ita postmodum gehennæ incendiis consumetur.
S.Pet.Dam.l.1.ep.6.

S. JUSTINUS M. 13. Aprilis.

IVSTINVS Philosophus Palæstinâ oriundus, literarum amator, varias in Philosophiâ sectas amplexus, Platoni tandem auscultare cœpit. Declinaverat fortè populi turbam, cùm nescio quid ad mare secum meditatus, in hominem incidit, quo immortalitatem & supplicia animorum edocetus, Christianam veritatem aspexit, eandemque adversus hostes acerrimè tutatus est, sanguine & vitæ prodigus. Multa Judæi Gentesque adversum Christi cultores machinabantur, quorum causam apud Cæsarum subsellia magnâ dicendi libertate tutatus, illud impetravit, ut Christiani deinceps, nisi maleficii convicti essent, innoxii viverent. Nobilis ingenii monumentum hodieque legitur; gloriæque est bonis literis hanc piam operam Christo Romæ impendisse, ubi melior nunquam causa acta est, etsi optimo ejus Patrono sanguine

13. April. VITÆ SANCTORVM. 191
sanguine stetit. Nam cùm crescentem vitâ & disciplinâ Cynicum, ignorantia hominis multoqué magis caninâ impudentiâ offensus, publicis congressibus vicisset, ea res scilicet canem illum ad vindictam inflammativit. Nulla ratio perdendi JVSTINI aptior visa, quâm si ut Christianum allatrasset. Exosum id nomen iterum esse cœperat & capitale. Ergo structæ D. JVSTINO insidiæ haud sanè nolenti; captus rogatusque Christianusne esset; affirmavit. desererentne sua sacra; renuit. mortem subiret; voluit; id Christo mortalium severo judici gratum, sibi utilissimum fore affirmans; ac mox cervice securi subjectâ, vitam perdidit, perditurus, nisi perdidisset. *Ex Surio & Baron.*

Si unus omnium ad vitam introitus & similis exitus diligenter attenditur, varietas illa, quæ versatur in medio, necesse est, ut tanquam volax fugacis somnii vanitas contempnatur. B.Dam.l.7.Ep.5.

S. HERMENEGILDUS M.

13. Aprilis.

Ostendit HERMENEGILDVS, quando tandem negare obedientiam parentibus, etiam cælo arridente, liceat. Cum enim patrem haberet Leovigildum VVigothorum Regem, & hæresi Arianæ oppidò addictum, ipse saniorem fidem à Præfule Leandro didicit. Sed veritas etiam apud parentem odium peperit. Hic enim cùm laudibus debuisset, ferro filium oneravit, & anno libertatis Christianæ D.LXXXIV.in carcerem dedit. HERMENEGILDVS, ut monstraret, quâm non pensi regnum haberet, humanis rebus omnibus se abdicavit, purpuram cum cilicio mutavit, tempus omne inter vota ac supplicia transegit, demum è carcere